

17. maj 2022

Qanoq iliorluta nunatsinni inuussutissarsitigalugu piniartut qilalugartaasa neqaanik pisortat ingerlataasa atuinerusinnaanissaat qulakkeerneqarsinnaanersoq pillugu inatsisartut apeqqutaat aallaavigalugu oqallisigisassaattut siunnersuut.

(Siumup Inatsisartunut ilaasortaaitai)

Siumumi ilaasortap oqallisigisassattut saqqummiussinera, imatut Siumumit oqaaseqarfigissavarput.

Qilalukkat neqaasa atorluarneqarnissaanik nunatta sineriaani kissaateqartoqarnera paasilluarsinnaavarput.

Oqariartuuteqartoqarneranut ima isikkoqalerneranut paasinarsivoq nunatsinni neqissaqarnikkut atorluanerput ilaatigut, tusiattutut aamma amigartutut ersarisassutigineqartoq uani tuniniaanermut tunngatillugu oqariartuuteqarnera aamma assartuinikkut ajornartorsiuteqartoqarneranut kaammattuuteqarneranut Siumumiit paasilluarparput.

Avinngarusimasuni neqit piasarisat neqai ilaatigut amigaatigineqartarneri, utoqqaat illuanni meeqqerivinnilu takussaanginnerisa oqallisissiami qaqitsisut Siumumit paasisinnaalluarparput.

Uani nunatsinni nunarujussuarmik nunaqarpugut, taamaammat atugassarititat kingunerisinnaasaasa ilagaat assartuinikkut malitassat ilaatigut ersarinnginnerat Siumumiit assigiinngitsut ilisimaaralugit. Pitsaasumik suliniuteqarfigineqarnissaa pimoorullugu angusaqartoqarnissaanik kissaateqarpugut.

Tassanilu eqqaarusunnarpoq Siumup ilisimaaraa helikopteri nutaaliat annikitsuinnannguanik nassatassaqsinnaaneranut aammalumi siunissaq eqqarsaatigalugu mittarfiit mikinerit qallunaatut (heli-platform), sulijornerulernissaanut malunniuttussaammat paasisat kingulliit takutimmassuk.

Assersuut mittarfeqarfiit atugassaritsitaat Tiniteqilaami aputaajaaneq malugisinnaasimavarput tungaanut assartuiniarnissanut ullumikkut tulluunngitsooq. Nutaaliallu helikopterit atuutilerpata atukkat ajorseriarnissaat ilisimaaralugu, ernumanartutut naqissuseratsigu.

Taamaammat una oqallisissiaq assigiinngitsunik pilersitsivoq atukkat pitsaanerulernissaannut tikkuussinani.

Soorlu assersuutigalugu paasinarsivoq nunaqarfinni avinngarusimasuni aammalumi Ittoqqortoormiini. Atugarisarititat sineriammi allanituulli inngimmata assersuutigalugu.



Piniartoq Tasiilap nunaqarfianiikkuni aamma Ittoqqortoormiiniikkuni taava mamaq fragt atugaannginnera Siumumit ilisimaaraarput.

Taamaamat periarfissat assigiinnerulernissaanik, uani ujartuineranut aamma Avannaani atukkat ilungersunarluinnartutut oqallisissiamik qaqitsinera Siumumit ilungersunartutut oqaatigissavarput.

Taamak oqarnitsinni Siumumiit Naalakkersuisut neqissaqarnikkut (fødevarestyrelse) nunatsinniit tigusi manngikkaluarlugu ilisimaaralugu ilungersunartutut isigigatsigu nalunaarutigissavarput.

Taamaamat kaammattuutigissavarput nunap immikkoortuani atukkat oqinnerulernissaanik oqallisissiamik ineriartornissaanik oqariartuuteqarnera paasilluarlugu, iliuuseqartoqarnissaa kissaatigaarput eqqaaqqissavarput kikkut tamarmik periarfissaqarnissaa pingaartikkatsigu.

Periusissiamillu pitsaanerulernissaanik Siumumit ersarissumik pilersaaruserluakkamik, nassuiaatitalimmik pilersitsisoqarnissaa atukkat oqinnerulernissaanik tapersiinerput attapparput.

Atukkatigullu pitsanngoriaatissamik ujartuineranut pissutit pillugit oqariartuuteqarnerput Siumut ilalerlugulu allamillu periusissiamik ujartuisoqarnissaa ilalerlugu.

Naggataatigut pingaarutilimmik ukkatarineqarnissaa Siumumiit angorusupparput.

Ataatsimiitsitaliamilu susassaqtumut ingerlateqqinneqarnissaa angusaqarluartoqarnissaa kissaatigaarput. Oqallilluarisi

Dines Mikaelsen, Siumut